

La BCG avra ina nova agentura a Sedrun ed augmenta la preschientscha en Surselva

Cuira, ils 10 da november 2014 – La sonda ha la Banca Chantunala Grischuna (BCG) avert a moda festiva la chasa d'abitar e da fatschenta «Casa dil hosp» en il center da Sedrun. Var 1'500 persunas han nizzegià il di da las portas avertas per dar in'egliada a las novas localitads da banca modernas ed a las abitaziuns attractivas. In dals puncts culminants dal program varià è stà la preschentaziun musicala dal «Duo Desertina».

Cun la reavertura da la chasa d'abitar e da fatschenta «Casa dil hosp» a Sedrun augmenta la BCG sia preschientscha al lieu ed accentuescha a medem temp l'importanza da la Surselva. «Nus essan ans decidids conscientamain per questa construcziun nova, perquai che nus essan persuadids dal potenzial da questa regiun», commentescha Alois Vinzens, CEO da la BCG l'investiziun pli auta. Il project ha cumenzà cun l'emprima badigliada la fin da matg 2013. Sunter circa dus onns temp da construcziun èsi vegnì dà uffizialmain avertura a las localitads l'ultima sonda a chaschun d'in di da las portas avertas.

Servetschs da banca professionals en in'atmosfera empernaivla

La nova BCG Sedrun è averta da glindesdi fin venderdi da las 8.30 fin las 12.00 e da las 14.00 fin las 17.30. Per la tgira da clientella cumplessiva procuran dus collavuratur. «L'architectura moderna e las installaziuns internas actualas procuran per premissas optimalas per ina cussegliaziun cumpetenta e confurma als basegns da nossas clientas e noss clients», accentuescha Christian Alig, manader regiun Glion. Per retrair daners e per auters servetschs da tuttas uras stat a disposiziun ina zona da 24 uras cun in bancomat. L'attirasguard en la halla da clientella gronda è in cristal impressiunant. L'indigen Dosi Venzin ch'è dapi passa 40 onns chavacristals ha emprestà quest chat spectacular a la BCG.

Avertura festiva cun numerus giasts

Il di da las portas avertas ils 8 da november ha procurà cun in program accumpagnant varià ed attracziuns per pitschen e grond per ina fulla viva. Numerusas persunas interessadas han nizzegià la chaschun per dar in'egliada a la chasa d'abitar e da fatschenta «Casa dil hosp». Per il bainstar culinaric dals giasts han procurà fatschentas indigenas cun spezialitads regionalas. Delicatessas musicalas ha il Duo Desertina preschentà en la tenda da festa. Ils visitaders giuvens han gè spezial plaschair dal carussel d'uffants.

Edifizi efficient a l'energia cun current solar dal tetg

La chasa d'abitar e da fatschenta moderna cumpiglia ultra da la nova agentura da la BCG er il biro da turissem, la scola da skis, il biro d'infurmaziun da la Andermatt-Sedrun Sport AG e sis abitaziuns da 4 ½ stanzas. La maurusfrei Architekten AG è stada responsabla per la realisaziun. L'entir edificzi è vegnì costruì en il standard da chasa passiva minergia-p. Per la gronda part da las lavurs han ins resguardà interpresas regiunalas. La BCG ha amplifitgà supplementarmain il stabiliment cun in indriz fotovoltaic sin tetg. Il current ch'ins gudogna cun l'energia solara vegn duvrà directamain per l'edificzi e la banca. Las 31'300 uras kilowatt ch'ins spetga correspundan a la media dal consum annual da set chasadas da mintgamai quatter personas. L'indriz han ins finanzià cun il fond da persistenza reservà spezialmain per projects da la banca.

A Vossas dumondas respunda gugent:

christian.alig@gkb.ch

manader regiun Glion | +41 81 926 21 00

Il sector Marketing & comunicaziun As gida gugent a cuntanscher il pli svelt pussaivel Vossa persona da contact:

As drizzai a thom.mueller@gkb.ch | +41 81 256 83 11.

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per personas privatas, l'economia ed il maun public. La banca occupa 1'071 collavuraturas e collavuratur (stadi dals 30-06-2014). En il chantun Grischun cun sias numerusas vals e pliras linguas, è l'interpresa represchentada cun 65 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA ed a la Private Client Bank SA a Turitg. En il rendaquint semestral preschenta ella cun ina summa da bilantscha da CHF 20,236 milliardas in gudogn brut consolidà da CHF 109,2 milliuns. Il scrit da participaziun BCG è quotà a la bursa dapi ils 10 da settember 1985.

Termins

Quint annual 2014:	6 da favrer 2015
Radunanza dals participants:	28 da mars 2015